

Dj Tubet featuring Milly - No sta a contâmi dome chê storiê

rit

**No sta a contâmi dome chê storie
Nissune muart in vuere e je glorie
No sta a contâmi dome chê storie
il popul furlan al à memorie
No sta a contâmi dome chê storie
Nissune muart in vuere e je glorie
No sta a contâmi dome chê storie
il popul furlan al à memorie**

Sturnît de artiliarie in cheste coparie o stoi in vuaite
pantan fint tai voi, sangloç, il gno stomi si ribalte
reticolâts sbregâts, cuarps, slavrâts, bandonâts
il timp al passe masse planc spietant l'ordin dai atacs
bataie e muart no àn nuie di eroic par me
parcè che a Gurize in chê altre trincee
e je int che prime de vuere e dave di vore ae mê famee
e sarà che chê Triplice Aleance dopo un pôc ti stufe
se la Gjermanie e sfide i Inglês dopo vê rot cu la Russie
ma chel Imperi che cumò o combat
in passât mi à dât
istruzion e un catastic ben fat
ca tra i cadavars
plui o spieti e plui mi cres il stress
ma ca ducj no àn difundût nô ma i lôr stes interès
cussì i: talians, Imperi, Napoleon,
e prime Vignesie
par difindinus dai turcs
e à gjavât podê ae nestre glesie
Il Patriarcjât di Aquilee che de storie al è il prin parlament
dulà che il Patriarcje si sentave insieme cul siôr e cul pezent.

rit

**No sta a contâmi dome chê storie
Nissune muart in vuere e je glorie
No sta a contâmi dome chê storie
il popul furlan al à memorie
No sta a contâmi dome chê storie
Nissune muart in vuere e je glorie
No sta a contâmi dome chê storie
il popul furlan al à memorie**

Ce che mi plasarès vivi te Patrie dal Friûl
dulà che il popul nol va in vuere dome parcè che un Re al vûl
ah ce biel periodi mai avonde ricuardât
tacât dopo che Oton I i Ongjars al à drazât
se nol fos par chei invasôrs che a vivevin di robarie
no varessin paîs di mont par difindisi de lôr scie

e pensâ che ju vin invidâts parcè che la Italie e jere inrabiade
cuntun re feudâl furlan che le comandave
chest cont al jere une vore babio
al jere lui paron subit dopo Carlo Magno
prime di Carli i Langobarts nus àn conquistât
libars vuerîrs cun Cividât come ponte di citât
prime Aquilee ti rindeve braurôs di sei furlan
impuartante come puart e come centri culturâl cristian
te Ete di Mieç bandonade, Atile prime le veve brusade
i romans le àn latinizade, ma i cjargnei celts le àn fondade
il sanc che in trincee o piert
stant ae storie al è bastart
la vuere e je finide! Un sergjent mi pant
Avanti Savoia! Ma cence sfidâ plui le muart.

rit

**No sta a contâmi dome chê storie
Nissune muart in vuere e je glorie
No sta a contâmi dome chê storie
il popul furlan al à memorie
No sta a contâmi dome chê storie
Nissune muart in vuere e je glorie
No sta a contâmi dome chê storie
il popul furlan al à memorie**